

150

[North Island Main Trunk Railway Loan
Application Acts Amendment, 1892.]

Te Karimana.

TURE WHAKATIKATIKA I TE WHAKAHAERE MONI
NAMA O TE RERIWE NIU O TE MOTU O AOTEAROA.

WHAKAWHAITITANGA.

HE PIRE I HUAINA.

HEI TURE hei Whakatikatika i nga Whakahaere Moni Nama o te Motu o Aotearoa.

NA KA MEINGA HEI TURE e te Runanga Nui o Niu Tireni e noho huihui ana i roto i te Paremete, i runga ano hoki i tona mana nga tikanga e mau ake nei:—

1. Ko te ingoa poto o tenei Ture ko te Ture Whakatikatika i te Ture 1892 o nga Whakahaere Moni Nama o te Motu o Aotearoa.

2. Ko te Apiti Tuarua e te Ture Whakatikatika i te Ture Whakahaere Moni Nama 1892 o te Reriwe Nui o Aotearoa e whakahuatia nei ko taua Ture kua whakakorea i konei a kua tukua ko te Apiti o tenei Ture hei riiwhi mo tera.

3. Ko te tekiona rima me era tikanga katoa o taua Ture o tetahi atu Ture ranei e whakahuatia ana i roto i taua Ture ka korerotia ka whakamaramatia ano i whakaurua nga kupu rima tau hei riiwhi mo nga kupu e rua tau i nga wahi e mau ana aua kupu i roto i taua tekiona ano i whakaurua te Apiti ki tenei ture i mua ki roto i taua Ture hei riiwhi mo te Apiti Tuarua o taua Ture.

4. Kahore he mea i roto i taua tekiona rima kua kiiia ake nei e kiiia kua pa ka pa ranei ki tetahi whenua e takoto ana i roto i nga rohe e whakaaturia ana i roto i te Apiti Tuarua ki taua Ture ki waho atu ranei o aua rohe erangi ki roto ano i nga rohe e whakaaturia ana i roto i te Apiti Tuarua ki tenei Ture ahakoa i riro mai i mua tera ranei e riro mai a muri ake nei i runga i te Ture, tera ranei e riro mai a muri ake nei i tetahi i etahi tangata ranei i waho atu o te Kawanatanga i raro i tetahi kirimene, tuku, riihi ranei i whakaotia tikatia o tetahi wahi ranei kua whakahaerea tikatea i mua o te pahitanga o taua Ture o tenei Ture ranei.

5. Ko "Te Ture Whakatikatika i te Whakahaere Moni Nama o te Reriwe o Aotearoa, 1891," kua whakakorea i konei.

No. — .

APITI.

NGA TAKIWA WHENUA MAORI E EKENGIA ANA E TENEI TURE.

Ko era whenua katoa i roto i te Takiwa Porowini o Akarana o Taranaki me Poneke ko te rohe ki te hauauru ma raro ma te Wharauoa Poraka timata atu i te turanga kaupuke i Aotea tae atu ki te Awa o Waitetuna, mau atu i reira ki te rawhiti ma raro ma taua Awa ano o Waitetuna tae atu ki tona whitinga i te rohe e rere atu ana i Tahuani Maunga haere tonu i runga i Tereki Maunga i te wahi e whakawhitiana e te huarahi Maori, mau atu i reira ma tetahi raina tika rere atu ki Tahuani Maunga; mau atu i reira ki Pirongia Maunga; mau atu i reira ki te tutukitanga o te awa o Waipa me Puniu; a ma taua awa me te awa o Owairaka ki tona matapuna; mau atu i reira ki te tutukitanga o te Awa o Mangare me Waikato; mau atu i reira ma te Awa o Waikato ki te Awa o Waipapa, a ma taua awa ki tona matapuna; mau atu i reira ki te taha rawhiti ma te Tautia-Whangamata Poraka tae atu ki Taupo; mau atu i reira ma tetahi raina e whakawhiti ana i te Roto o Taupo tae atu ki te puwaha o te Awa o Tauranga; mau atu i reira ki tona matapuna i te Maunga o Kaimanawa; mau atu i reira ma runga i te tihi o Kaimanawa tae atu ki te matapuna o te Awa o Moawhango; mau atu i reira ma te Awa o Moawhanga me te Awa o Rangitaiki ki te rohe ki te tonga o Otairi No. 5 Poraka ka whati ki te tonga ma te rohe ki te tonga o taua Poraka me te Otairi No. 2A Poraka tae atu ki te Awa o Mangapapa; mau atu i reira ma taua Awa o Mangapapa me te Awa o Turakina ki te rohe ki te tonga o te Maungakaretu Poraka; mau atu i reira ma te rohe ki te tonga me te hauauru ma tonga o taua Maungakaretu Poraka ki te Awa o Whangaehu; mau atu ma te Awa o Whangaehu me te Haeo me Paratieke Poraka ki te Awa o Mangawhero; mau atu i reira ma te Awa o Mangawhero ki te Awa o Mungakowai a mataua Awa o Mungakowai; ki te kokonga hauauru Whakararo o te Ohineiti Poraka; mau atu i runga i te Whakamarotanga o te rohe Whakararo o te Ohineiti Poraka tae atu ki te Karewarewa Poraka; mau atu ma taua Poraka te Parehouhou, Aratowaka, me te Pukenui Poraka ki te Awa o Whanganui; mau atu i reira ma taua Awa o Whanganui ki te Awa o Whangamomona; mau atu ma taua Awa me te Awa o Mangare ki tona matapuna; mau atu i reira ma tetahi raina tikarere ki te hauauru ki te rohe raupatu o Taranaki; a ma taua rohe ki te moana; mau atu i reira ki te hauauru ma te moana me te Turanga Kaupuke i Aotea ki te timatanga.